

## LECTIO PRIMA CAPITVLI SECVNDI



*Dāuus et Vrsus in uiā Tūsculī sunt. Aulus Paulīnus quoque in oppidō est.*

**Aulus Paulīnus:** Ō! Magnus est uir! Quis est ?

**Dāuus:** Vrsus est.

**Aulus Paulīnus:** Vrsus? Estne uir graecus?

**Dāuus:** Graecus nōn est , sed barbarus est.

**Aulus Paulīnus:** Barbarus? Estne germānus?

**Dāuus:** Nōn germānus sed gallus est Vrsus, et quoque seruus in familiā dominī meī.

**Aulus Paulīnus:** Quis est dominus tuus et Vrsī?

**Dāuus:** Lūcius lūlius Balbus dominus meus et Vrsī est , et multōrum seruōrum ancillārumque. Familia lūliī magna est.

**Aulus Paulīnus:** Mmmm?... Familia magna.... Quot seruī et ancillae sunt in familiā lūliī?

**Dāuus:** Centum seruī ancillaeque.

**Aulus Paulīnus:** Quid? Centum? Magnus numerus seruōrum et ancillārum est. Et magnus est quoque Vrsus. Suntne multī seruī magnī in familiā lūliī?

**Dāuus:** Paucī uirī magnī sunt. Cēterī uirī paruī sunt in familiā meā...

**Aulus Paulīnus:** Tua familia? Nōn tua sed lūliī, dominī tuī, est familia.

**Dāuus:** Familia dominī meī est quoque familia mea. Estne familia tua quoque magna?

**Aulus Paulīnus:** In familiā meā ūnus seruus et duae ancillae sunt. Sed multī puerī puellaeque. Līberī meī sunt sex: trēs fīlī et trēs fīliae.

**Dāuus:** Sex est magnus numerus līberōrum. Līberī Iūlii et Aemiliae sunt trēs: duo fīlī et ūna fīlia.

**Aulus Paulīnus:** In familiā meā dominus est paruus, sed pater magnus est.